

許太史真君圖傳卷上

玉陸錫詔

國九

晉孝武帝寧康二年甲戌歲八月朔旦有雲仗自天而下二仙乘輦導從甚都降于真君之庭真君降階迎拜二仙曰奉

玉皇命賜子詔真君俯伏以聽乃宣

詔曰上詔學仙童子許遜卿在多劫之前積修至道勤苦備悉經緯逾深萬法千門罔不師歷救災拔難除害蕩妖功濟生靈名高玉籍眾真推仰宜有甄陞可授九州都仙太史高明大使賜紫綵羽袍瓊旌寶節玉膏金丹各一合詔至奉行真君再拜登階受詔一仙曰子乃玉真上公崔子文一仙曰子乃元真大卿瑕丘仲言畢揖真君坐告以冲升之日遂乘雲車而去

玉陸再詔

晉孝武帝寧康二年甲戌歲八月望日至于日中世人遙聞空中音樂之聲祥雲彌望須臾漸至真君之庭羽蓋龍車從官兵衛仙童綠女前後導從紅雲紫氣舒布環繞前二詔

使再至真君降階拜迎二仙復宣

詔曰上詔學仙童子許遜脫于前世貪殺匿不祀祖先之罪錄子今生呪水行符治病罰惡賊毒之功已仰潛山司命官傳金丹於下界閉債封形迴子身及家口廚宅百好歸三天子急淨穢背土陵空左大力天丁與右流金火鈴大將照辟中黃無或散慢詔至奉行仍封遠祖由玉虛僕射曾祖琰太微兵衛大夫祖玉太極把業錄籍典者父肅中嶽仙官賜所居宅曰仙曹左府詔使曰卿門弟子唯六人合從龍車同時上升言畢亦升天而去


真君聖詔

混元始祖一氣分真多劫之前積修至道勤苦備悉經緯逾深萬法千門罔不師歷救災拔難除害蕩妖功濟生靈名高玉籍眾真推仰宜有甄陞大慈大願大孝大仁九州都仙太史高明大使雷霆泰省天樞伏魔上相至道玄應神功妙濟掌九天司職太一定命注生真君三天按察都檢校博奏諫議大夫天醫大帝度人祖師淨明淨化天尊



九州都仙太史高明大使至道玄應神功妙濟真君姓許名遜字敬之曾祖琰祖玉父肅世為許昌人高節不仕乃潁陽由之後也父漢末避地於豫章之南昌因家焉

初母夫人夢金鳳啣珠墮於掌中玩而吞之
及覺腹動因是有孕而
真君降生焉時吳赤烏二年正月二十八日
也



真君生而穎悟少小通疏與物無忤嘗從獵
射一鹿鹿中之子墮鹿母猶顧舐之未竟而
斃因是惻然感悟即棄折弓矢學道也



真君刻意為學博通經史天文地理音律
五行經緯之書尤嗜神仙修鍊之術備參歷
攷悉究玄微焉

真君聞西安吳世雲得至人丁義神方南海




鮑靖秘法及天降白雲符遂往師之世雲靈
威玄會若契宿因悉以秘要付授如今之垂
世如意大丹乃丁義神方之一也西安全寧
州世雲仕吳為西安令因家焉今去州六十
里有西平靖吳仙觀即其故宅也

真君與郭璞訪求名山為棲真之地得逍遙
山金氏宅謂大合仙格乃同謁金公璞白曰




許君欲置一舍為修鍊之地故上謁公答曰
許君若誠有意當并置莊產為薪水資
真君曰雖蒙傾蓋受之無名願聞所需多寡
惟命公曰大丈夫一言道合身命猶以許人
况外物乎乃取一大錢中破之各收其半為
券馬

真君居金氏宅日以修鍊為事不求聞達鄉




黨化其孝友交游服其德義人有饒遺苟非
其義一介不取嘗有售鐵燈檠者因夜然燈
有漆剝處視之乃金也翼日訪元主選之

真君道譽日著郡舉孝廉不就朝廷累加禮
命不得已乃以晉太康元年起為蜀郡旌陽
令時年四十二視事之初誠胥吏去貪鄙除
煩苛脫囚繫悉開諭以道吏民悅服咸願自
新其教民忠孝慈仁忍慎勤飲為先今秀民



有德望者相與勸率故爭競日消至於無訟
時胡詹二典押為之掌案聽政為今廟食為
神也



真君未任縣之先歲饑民無以輸租郡邑繩
以法率多流移登涖事日乃以靈丹點瓦礫
化黃金令人潛瘞於縣之後圃一日籍民之
未輸者咸造于庭使吏詰責之令服力役於
後圃民鑽地獲金得以輸納故免逃竄之憂

悉按堵鄰境流移之民慕其德惠來依附者
甚眾遂至縣邑戶口增衍人物富庶焉



郡中屬歲大疫民死者十有七八真君乃以
所得神方拯治之凡符咒所及皆登時而愈
至於沈痾之疾亦無不痊者




郡中疫民既活救濟之道傳聞他郡病者相
繼而至日以千計於是標竹郭外十里之江
置符其中俾就竹下飲水皆瘥其俸老羸疾
不能自至者級歸飲之亦獲痊愈故蜀民謠
曰民無盜竊吏無奸欺我君活人病無能為






真君任旌陽既久知晉室將亂乃棄官東歸蜀民感其德化無計借留所在立生祠家傳蓋僕敬事如神明為修行之日贏糧而送者蔽野有至千里始還者有隨至其宅願服役而不返者乃於宅東之隙地結爰以居其狀如營壘悉改氏族以從真君之姓故至今其地號許家營焉其遺愛及民有如此者



真君嘗至新吳憇于栢林忽有女童五人各持寶劍來獻異而受之既而借至真君宅日以擊劍自娛人莫能測真君知其劍仙常禮遇之卒獲神劍之用飛升後五童隱于手植栢下因號栢樹仙童新吳今有栢林觀存焉



真君與吳真君游嵩陽閉金陵丹陽縣黃堂靖有女師誥姆多道術同往師之母曰昔孝悌王自上清下降充州曲阜縣蘭公家留下金丹寶經銅符鐵券謂公曰後晉代當有神仙許遜傳吾此道命公轉以授吾使掌之以俟子積有年矣今當授子乃登壇依科盟授并正一斬邪之法三五飛步之術悉以傳付焉





二君前受謔姆道法禮謝訖辭行真君方心
 期每歲必來謁姆姆覺之曰子勿來吾即返
 帝鄉矣乃取香茅一根望南擲之曰子歸認
 茅落處立吾祠歲秋一至足矣二君還首訪
 飛茅之蹟於所居之南四十餘里得之已叢
 生矣遂建祠宇亦以黃堂名之今號曰黃堂
 隆道宮每歲仲秋之三日必往朝謁焉



真君自嵩陽回訪謔姆飛茅之蹟經過路傍
 偶見陂水清澈為之少憇今清陂村有慈真
 靖為觀是其處也又見鄉民盛烹宰以祀神
 且相詬曰祭或不腆則神怒降禍矣真君曰
 惟崇敬爾耶乃夜宿於逆旅召烈風迅雷伐
 之拔其林木明日告其里人曰妖社已驅毋
 用祭也今其地有廢社鄉民不復祭祀矣




真君尋訪飛茅經過之地見鄉民負檐遠汲
 者滿道老幼勞苦乃以杖刺社前澗澤湧泉
 以濟之雖旱不竭今大澤村紫陽靖之石井
 是也真君嘗登龍城之山巔指山腰之泉罅
 曰是必有異物藏于其中後將為妖孽以害
 生民遂卓劍運法建立壇靖以鎮之今每年
 仙馭朝謔姆則憇于此號龍城觀也





真君渡小蜀江即今之黃湖口抵江干之肆
主人朱氏雖貧而迎接能盡禮敬真君乃戲
畫一松于壁而去其家即日市利加倍後江
漲潰堤市舍俱漂惟松壁不壞也今名松湖
市見有朱土地廟食焉



真君嘗鍊神丹於艾城之黃龍山山湫有蛟
魅聚淵藪作洪水欲漂丹室於是真君遣神
兵擒之釘于石壁今釘蛟石具在焉



真君神丹既成乃祭于幕阜山葛仙公之石
室真君至脩川愛其湍急而味堅取神劔磨
于澗傍之石即今號梅山旌陽觀真君渡水
登秀峯為壇於峯頂以獻謝上帝力服仙丹
今號旌陽山溪南有吳仙觀即是吳真君故
居也

真君造吳君之宅過西安縣即今寧州杜伯

出謁乃詰其地分有妖孽為民害者其神匿之而不告焉真君行過一小廟五神人迎謁而告曰此地久有蛟孽毒害生民知仙君來此故往邪渚藏避矣後將復還願為斯民除之廟神姓毛兄弟五人今日陽佑廟在州東四百步地也

真君如廟神之言躡躑追蛟至邪渚路逢三



老人詢其蛟孽蹤穴所在指曰見伏于前橋下故真君至橋側仗劍叱之蛟驚奔入大江匿深淵乃勅吏兵驅之蛟從上流奔出遂誅之三老人即普應三王廟食其地今有伏龍橋上下龍口也

真君怒西安杜伯匿蛟而不職銅其祠門止其享祀令居民事姓毛之小廟今寧州城隍



廟正門常閉開則邑有災協佑廟食甚盛真君還郡城曰此地水陸衝要人物繁夥豈無分合神仙之人試以靈丹數粒雜他藥貨之令其信緣而取竟無一人遇者真君吁嘆仙才之難得也

真君聞新具有蛟為孽因持寶劍捕逐之經今仙游觀之地蛟懼竄入溪穴即今藏溪也



真君乃以巨石書符及作鎮蛟文以鎮之文石尚存于今之奉新縣西十里延真觀院是也



海昏之上遼有一巨蛇據山為穴吐氣成雲亘四十里吞吸人物大為生民害真君聞之乃登北嶺即今會仙峯驗之果見毒氣漲空乃集弟子將往誅之初入其界遠近居民千

百人競來懇訴真君惻然曰世運周流際此厄會生民何罪乃受其灾吾之此來正為是事誓不與此蛇俱生也當為汝曹除之



真君羣弟子既集亦同勸請誅蛇真君曰須時至乃可於是卓劍于地對天默禱良久飛泉湧出俄有赤鳥飛過真君曰時至矣其地為候時觀後改赤鳥壽聖本曰廣福觀也



真君至蛇所鄉民咸鼓譟趨前聽命乃卓劍布氣飛符召海昏社伯南昌社公并力驅蛇出穴其符落處因建觀名符落今南昌郡南太和觀是也





蛇出穴舉首十餘丈吐毒衝天真君嘯命風雷指呼神兵令吳君飛步引劍劈其首施本甘戰等揮劍裂腹有小蛇自腹出長數丈甘君欲斬之真君曰彼未為害不可妄誅小蛇奔七里聞鼓譟回顧其母弟子請追戮之真君曰此蛇五百年後若為民害吾當復出誅之以吾壇前松柏拂地為驗又曰吾仙去後一千二百四十年間豫章之境五陵之內當出地仙八百人其師出於豫章大揚吾教郡江心生沙洲掩過沙井口之時小蛇若為民

害彼八百人自當誅之若無害於民亦不可誅也蛇子遂得入港今建昌有蛇子港七里聽新建有吳城廟是也



真君既誅巨蟒妖血汗劍於是磨洗且削石以試其鋒今建昌州有冷水臺磨劍池試劍石存真君告弟子曰大蛇雖滅蛟精未誅彼物通靈必知吾有除害意恐其伺隙潰郡城盍歸郡手戰峯二子者從我焉時永嘉六年



真君道術高妙著聞遠邇求為弟子者動以千計卻之不可得乃化炭為美婦子夜散子弟于處以試之明旦閱之其不為所染汚者惟十人爾即異時驛侍前後上升諸高弟也自是凡周游江湖誅斬蛟蛇無不從為餘多自愧而去今建昌州西津名炭婦市立觀號

妙明即其地也

許大史真君圖傳卷上

二十五

真君與甘施二君歸郡周覽城邑適有一少年美風度衣冠甚偉通謁自稱姓慎禮貌勤恪應對捷給遽告去真君顧謂羣弟子曰適者非人乃老蛟之精故來見試其人體貌雖是而腥風襲人吾故愚之庶盡得其醜類耳



許大史真君圖傳卷下

國十



真君知年少乃老蛟之精蹟其所之乃在江澣化為黃牛臥於沙蹟之上真君乃剪紙化一黑牛往鬪之

